

Søklar

Opplysningar om institusjonen

Kommunenamn	Alver kommune
Institusjonsnamn	Alver bibliotek
Postadresse	Postboks 4
Postnummer	5906
Poststad	Frekhaug
Leiar av institusjonen	
Fornamn	Trine Helene
Etternamn	Pete
Telefon	93 609 163
E-post	trine.helene.pete@alver.kommune.no

Sluttrapport

Prosjekttittel	Berekraft, biosfære og bibliotek – samarbeid i Nordhordland UNESCO biosfæreområde
Kategori	FNs bærekraftsmål og bibliotek, Nye samarbeidsformer og partnerskap
Tildelt beløp	500 000
Antall tildelingsår	1-årig
Tidsperiode	2023, 2024

Mål for prosjektet

Biblioteka i Nordhordland skal samarbeide om å planlegge, utvikle og gjennomføre interaktive arrangement innan Nordhordland UNESCO biosfæreområde.

Hovudmåla for prosjektet:

- Vekkje engasjement, interesse og kunnskap hos innbyggjarane innan berekraft, handverkstradisjon, lokalmat, kulturminne og ullproduksjon innanfor biosfæreområdet.
- Synleggjere og styrke biblioteket som kunnskapsaktør i region Nordhordland
- Etablere eit formelt samarbeid med Region Nordhordland om prosjektet Nordhordland UNESCO biosfæreområde.

Det vil undervegs i prosjektet vere naturleg med følgande undermål:

- Skape nye samarbeid med lokale aktørar
- Fremje lokale aktørar, frivillige lag og organisasjonar
- Skape nye møteplassar og møte mellom generasjonar

Vi skal måle prosjektet ved å sjå på statistikk, aktivitet hos deltakarane før og etter arrangement, og utvikle prosjektet undervegs for å treffe målgruppa. Vi vil og sjå på kor aktive deltakarane er når dei er med på aktivitetane.

Rapport

Om berekraft, biosfære og bibliotek

Berekraft, biosfære og bibliotek er eit prosjekt av biblioteka i Nordhordland som saman rettar fokus på biblioteket si rolle som møteplass og formidlar innan berekraft, FNs berekraftsmål og Nordhordland som UNESCO biosfæreområde. Prosjektet samarbeidet med Nordhordland UNESCO biosfæreområde og lokale organisasjonar i regionen om ulike arrangement, samtaler og treff i prosjektperioden. Alver, Austrheim, Fedje, Masfjorden, Modalen, Gulen, Osterøy og Vaksdal kommunar er med i dette prosjektet og det er finansiert av kommunane og støtta av Nasjonalbiblioteket. Det har vore ein periode med mange spennande foredrag, verkstader og forfattarsamtaler som har hatt fokus på berekraft og biosfære.

Planlegging og målgruppe

Målgruppe for prosjektet var barn, vaksne samt barnehagar og skular. Vi fann raskt ut at det var utfordrande å skape arrangement som famna alle i same arrangement.

Vi nytta tiden godt til planlegging av arrangement, konsept og kontakt med aktørar. Allereie tidleg i prosjektet oppdaga me utfordringa med lange avstandar i Nordhordland og mangel på overnattingsmoglegheiter i nærleiken. Me etablerte kontakt med Region Nordhordland og fekk ein del hjelp til emnar og tema som var aktuelle.

Temaet handverk viste seg å vera utfordrande å finne samarbeidspartnarar til. Dei lokale husflidlaga hadde nok aktivitetar frå før av, og dei aktive frivillige hadde ikkje kapasitet til å ta på seg meir.

Hagelaga viste stor interesse for samarbeid. Det var vanskeleg å rekruttera forfattarar og foredragshaldarar med lokalt fokus til prosjektet. Mange av dei vi ønskte var travle og opptekne. Det blei derfor brukt fleire eksterne foredragshaldarar og forfattarar. Me er likevel svært fornøgd med dei dyktige og spennande aktørane som var med i prosjektet.

Resultat og måloppnåing

I prosjektet var hovudmålet å planlegge, utvikle og gjennomføre interaktive arrangement innan Nordhordland UNESCO biosfæreområde. For å nå dette målet og undermåla til prosjektet, blei det sett opp mange ulike arrangement som la opp til kunnskapsdeling og samtale med publikum, og vi nytta marknadsføring aktivt. Vi fekk nye målgrupper til biblioteket ved å nytte samarbeidspartnarane våre godt, og vi inviterte barnehagar og skuler inn til utstillinga vi hadde. Arrangementa var godt besøk og vi hadde ein generelt stor besøks- og utlånsauke gjennom prosjektperioden. I ettertid opplever vi at fleire lokale aktørar søker samarbeid med biblioteka enn før, og vi har varige samarbeid med fleire aktørar, særleg med Region Nordhordland prosjektet: Nordhordland UNESCO biosfæreområde, men også lokale frivillige lag og foreiningar.

Det er noko uklart om vi har nådd målet om å skape engasjement og interesse i ettertid av prosjektet, men vi veit at vi basert på tilbakemelding frå publikum, ikkje har nådd alle som var interessert i å delta på arrangementa. Publikum har vore interesserte og stilt gode spørsmål undervegs i arrangementa, og vi trur dei som deltok har fått mykje ny og nyttig kunnskap. Samstundes har vi som arrangørar lært mykje om arrangørrolla, interne og eksterne samarbeid og gjennomføring av det største prosjektet vi har hatt i nyare tid.

Innhald og aktivitetar

Det var ein rekke arrangement spennande arrangement, innhaldet i desse er vedlagt i ein lengre rapport. Nokre av desse trakk til seg fleire nye målgrupper, særleg tradisjonsbrygging av øl fekk mange menn i publikum.

Andre aktivitetar var fleire føredrag og samtaler kring grønare kvardag, spiselege hagar, matredning, kurs i tang og tare. Det var fleire føredrag og samtaler om kulturlandskap og kor viktig det er med bevaring av naturområde og geologien i biosfæreområdet. Elles arrangerte ein bytekveldar av klede og redesign, og reparasjon av desse. Handverkstradisjonar, kulturarv og berekraft var på kartet. Det var mange interessante forfattarar, forskarar og fotografar som delte sine erfaringar og forskning. Nokre skuler og barnehagar fekk besøk av forfattarar.

Fleire av arrangementa la opp til bruk av frivillige aktørar og bibliotektilsette for formidling, som gjorde at ein sparte inn på honorarutgiftar, men fekk høgare kostnader knytt til intern løn. Elles ønskjer vi å spesielt trekke fram vandrestillinga "Sirkulære Nordhordland" som gjekk på rundgang til alle biblioteka. Dei tilsette formidla innhaldet til besøkande som kom for å sjå utstillinga, og skuleklasser blei invitert til å sjå denne. Utstillinga hadde stort fokus på biosfæreområdet, ull og handverk samt livet på hav og land med meir. Det var prosjektet Nordhordland UNESCO biosfæreområde og Lyngheisenteret som utvikla utstillinga.

Erfaringar

Prosjektet var svært ambisiøst med mange ulike aktørar og samarbeidspartnarar. Fleire av

kommunane var i eit godt etablert samarbeid frå før, og vi hadde gjort gode grep i forkant for å redusere utfordringar knytt til samarbeid. Mellom anna hadde Alver kommune ansvaret for gjennomføring og framdrift i prosjektet, alt frå koordinering, kontakt og booking av aktørar til marknadsføring og økonomi. Samarbeidskommunane var med på framdriftsmøter, idémøter og gjorde eigne tilsette og lokala sine tilgjengeleg for gjennomføring av arrangement, samt formidla det trykte og digitalt utarbeide formidlingsmaterialet. Fleire av dei små kommunane har fått tilsette og bygrensa av tid utanom vanleg drift, derfor var desse tilpassingane naudsynte for ei vellykka gjennomføring.

Overføringsverdi

Det har kome mange gode samarbeid ut av prosjektet, mellom anna er det etablert samarbeid i fleire av kommunane knytt til klesbytedagar, fikseloft og hagelaga, men og etablert eit større samarbeid med Nordhordland biosfæreområde knytt til føredrag, samtale og debattar samt tilgjengeleggjering av informasjon ut til innbyggjarane. Dette er samarbeid vi vil nytte godt av i mange år framover, og kan utvikle vidare.

Rekneskap

- [Prosjektregnskap Berekraft, biosfære og bibliotek.pdf](#)
- [Fullstendighetserklæring 2025 Berekraft, biosfære og bibliotek.pdf](#)

Vedlegg

- [Prosjektrapport. Berekraft, biosfære og bibliotek. Samarbeid i Nordhordland UNESCO biosfæreområde.pdf](#)